



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Eidem.

urn:nbn:de:hbz:466:1-20006

per tuas litteras postulasti; quin etiam scrip-
fimus multis aliis prout imminentia negotio cre-
didimus expedire, pacati semper efficere qua
ad honorem & profectum tuum debeant redun-
dere. Tu ergo de plenitudine gratiae nostra se-
curus, non minùs prudenti quam diligentissimi stu-
dio illa satagas procurare quae tuae promoto-
ni convenient & saluti, eam in verbis & ope-
ribus gravitatem exhibens & cautelam ut in
nullo reprehensibilis meritò judiceris. Datum
Sorae xiiii. Kal. Septembris, pontificatus no-
stri anno undecimo.

E I D E M.

Epist. 162.

Licet antequam ad nos per diversos nun-
tios tuæ litteræ pervenient post occasum
Philippi omnia peregerimus quæ per eafdem
litteras postulasti, auditio tamen quod Princi-
pes Alemanniæ apud Virceburgh in nativitate
beate Mariae debeant convenire de imperio
tractaturi, protinus per nuntium nostrum cum
tuo ad eos litteras apostolicas destinavimus quæ
promotioni tuae credidimus opportunas,
executorem mandati nostri constituentes dile-
ctum Herbiopolensem electum, de quo plenam
fiduciam obtainemus. Tu ergo, fili carissime,
de plenitudine gratiae nostra securus, talem te
satagas exhibere ut apud Deum & homines me-
ritò reperteris acceptus. Datum Sorae &c. ut
supra.

ARCHIEPISCOPO MAGDEBURGENSI.

Epist. 163.

Quod carissimo in Christo filio nostro il-
lustri Regi Ottoni in Romanorum Im-
peratorem electo sine speciali mandato nostro
tuum impendisti obsequium & favorem, sicut
idem Rex per suas nobis litteras intimavit, eo
præstern intuitu quod id nostro reputas bene-
placito fore gratum, fraternitatem tuam dignis
prosequimus actionibus gratiarum, tuam
ex hoc certius cognoscentes & devotionis dul-
cedinem & fidei puritatem. Ut ergo quod lau-
dabiliter incepisti, laudabilius prosequaris,
fraternitatem tuam rogamus attentius & mo-
nemus, per apostolica tibi scripta mandantes
quatenus eidem Regi potenter & prudenter
inhærens, in omnibus & per omnia tuum ei præ-
beas auxilium & favorem, sciturus pro certo
quod id nobis exigit gratum plurimum & ac-
ceptum. Datum Sorae &c. ut in alia.

HERBIOPOLENSI ELECTO.

Epist. 164.

Cum Principes Alamanniæ, sicut accepi-
mus, apud Virceburgh in nativitate bea-
te Marie tractaturi de imperio debeant conve-
nire, nos, qui de prudentia & devotione tua
fiduciam gerimus plenioram, per te verbum
nostrum ad eos pro pace imperij volumus dili-
genter proponi & efficaciter promoveri. Quo-
circa discretionem tuam rogandam duximus &
monendam, per apostolica tibi scripta præci-
piendo mandantes quatenus receptis litteris no-
stris, quas ad omnes Principes Alamanniæ com-
muniter destinamus, eas eisdem Principibus ex
parte nostra prudenter assignes, & ad promo-
tionem carissimi in Christo filii nostri Regis
Ottonis illustris diligenter intendens, secun-

Tom. I.

dum tenorem litterarum ipsarum eosdem Princi-
pes exhorteris ad nostrum beneplacitum ex-
quendum, prout melius tibi fuerit desuper ins-
piratum. Tu ergo, dilectissime fili, de cuius
obedientia plenè confidimus, mandatum apo-
stolicum taliter exequaris quod tuæ discretionis
prudentia claret in effectu, & nos devotionem
tuam debeamus meritò commendare. Datum
Sorae &c. ut supra.

PHILIPPO ILLVSTRI REGI
Francorum.

Epist. 165.

Per tuas nobis litteras intimasti quod de Phi-
lippo quondam Duce Sueviae, quem tu Re-
gem Romanorum appellas, conqueri meritò
poteras & debebas. Primo quidem, quia cum
ipse in die Pentecostes Aquilgrani maneret, &
Abbas Castræ-Nantonis amicus ac fidelis & qui-
dam Miles ligius homo tui fuissent ad tres Re-
ges in peregrinationem profecti, coram pluribus
cum gaudio quasi dixit quod te confererant
Picťavenes Comites Namurij & Boloniæ, ac
ducentos de melioribus Militibus exercitus tui
ceperant, Comites vero Boloniæ & Hollandiæ
occidentar, quod veluti de tuo gaudens infor-
matio publicabat. Secundo vero, quia cum ip-
se jurasset, ac litteras suas patentes inde tibi
dedisset, quod te juvaret contra Regem Otto-
nem, quem tu vocas quondam Comitem Picťa-
vensem, & quod sine tuo assensu cum ipso nun-
quam pacem iniret, demum sine assensu & vo-
luntate tuis pacem iniret cum eodem, sicut in ve-
ritate te assens cognovisse. Tertio quoque, quia
cum Comes Barri dilectus & fidelis consanguineus
tuus Duxem Lotharingiae infestarer, eumque
in sua terra cepisset, tu præfato Philippo
pacem de ipso Duce pro memorato Comite ob-
tulisti, quæ modis omnibus ad ipsorum, vide-
licet Philippi & Ducis, cedebat honorem, quem
admodum tibi & alias pluribus videbatur; qui
super hoc per litteras & nuntium suum indebitè
tibi respondens, ad aggrediendum prædictum
Comitem, precium tuarum immemor, exercitum
jam citarat, sed, Domino permittente, in illo
fuit itinere interfactus. Ad quæ tuae serenitati
duximus respondentum quod licet inter eun-
dem Philippum & præfatum Ottonem pax non
fuerit reformata, sed de ipsa reformanda trac-
tatum, per hæc tamen intelligere potuisti quan-
tam fidem habere de ipso valueris quantumque
dilectionem in eo debueris constituere, illud-
que verum fuisse quod melius tibi erat, quem-
admodum sepius tibi scripsimus, nostris consiliis
acquiescere quām Suevi fraudibus inhæ-
re. Consequenter autem hanc causam odij quod
erga te idem Philippus conceperat expressisti,
videlicet quod cum saepè te per litteras & nun-
tios requiriſſet ut haberes colloquium cum eo-
dem, tu ejus nuntiis respondisti quod regni ne-
gotiis occupatus, colloquium habere non po-
teras cum ipso, nisi prius scires de que & super
quibus inter vos illud celebrari deberet. Qui
tibi pro ipso & per ipsum respondentes, dixe-
runt quod ipse volebat ut contra nos & Roma-
nam Ecclesiam adhæres eidem, ac decem mil-
lia mārcarum à te mutuò postulabat. Et quia
contra nos & Romanam Ecclesiam ad exemplum

D D d d